

書

經

參

義

仲道有大學五經二
 本乾隆間上原刻本
 傳經劉氏有上仲道
 序稱子卿有上仲道
 人書或在中下仲道
 大變而金魯相水之
 條散脫水迹獨有清
 廣見百家之言窮此
 子之學自不啻達四
 十有餘年矣且明道
 民而平於康成五子
 以前者
 五以辨論諸書其
 復書論度其法
 律各圖說序見其
 引之此二者皆已刊
 行各持之皆記
 別有本館圖本詳列
 于別氏傳以全其
 之凡

書經蔡傳原序

慶元己未冬先生文公令沈作書集傳明年先生歿又

成編總若干萬言嗚呼書豈易言哉二帝三王治天下

法皆載此書而淺見薄識豈足以盡發蘊奧且生於數千載之下

而欲講明於數千載之前亦已難矣然二帝三王之治本於道二

帝三王之道本於心得其心則道與治固可得而言矣何者精一

執中堯舜禹相授之心法也建中建極商湯周武相傳之心法也

曰德曰仁曰敬曰誠言雖殊而理則一無非所以明此心之妙也

至于言天則嚴其心之所自出言民則謹其心之所由施禮樂教

化心之發也典章文物心之著也家齊國治而天下平心之推也

心之德其盛矣乎。二帝三王存此心者也。夏桀商受亡此心者也。太甲成王因而存此心者也。存則治亡則亂。治亂之分。顧其心之存不存如何耳。後世人主有志於二帝三王之治。不可不求其道。有志於二帝三王之道。不可不求其心。求心之要。舍是書何以哉。沈自受讀以來。沈潛其義。參考衆說。融會貫通。廼敢折衷微辭。與旨多述舊聞。二典禹謨先生益嘗是正。手澤尙新。嗚呼惜哉。集傳本先生所命。故凡引用師說。不復識別。四代之書。分爲六卷。文以時異。治以道同。聖人之心。見於書。猶化工之妙。著於物。非精深不能識也。是傳也。於堯舜禹湯文武周公之心。雖未必能造其微。於堯舜禹湯文武周公之書。因是訓詁。亦可得其指意之大畧矣。

書經蔡傳叅義目錄序

卷一 堯典

舜典

大禹謨

皋陶謨

益稷

卷二 禹貢

甘誓

五子之歌

胤征

卷三 湯誓

仲虺之誥

湯誥

伊訓

太甲上

太甲中

太甲下

咸有一德

盤庚上

盤庚中

盤庚下

說命上

說命中

說命下

高宗彤日

西伯戡黎

微子

卷四

太誓上

太誓中

太誓下

牧誓

武成

洪範

旅獒

金縢

大誥

微子之命

康誥

酒誥

梓材

卷五

召誥

洛誥

多士

無逸

君奭

蔡仲之命

多方

立政

卷六

周官

君陳

顧命

康王之誥

畢命

君牙

冏命

呂刑

文侯之命

費誓

秦誓

右尚書五十有八篇內伏生今文孔安國古文皆有者四十篇古文有今文無者十有八篇今參蔡傳義如左或問春秋胡傳尚書蔡傳皆立於學宮之書子前參胡傳既以朱胡有異義而體遵朱之之功今以參之矣今蔡氏固及朱子之門

者也書傳宜無異義又奚參耶曰是亦以朱子之義參之也且參胡傳者繼以朱而參蔡傳者即開以蔡朱踵胡之後非有出涇入渭之迹而一子之義例不必合派於胡故義可參者復繼以朱朱導蔡之先實有由河達海之情而二代之典謨亦已歸墟於朱故義相參者即開以蔡也然則蔡侍師門書傳又經指授而猶有異義當參者何耶凡一先生之言傳之群侍言人人殊况鷺湖鹿洞講席未燠加以偽學禁熾又各散之四方者乎彼胡傳以夏時冠周月其先朱異義無怪耳集註行夏之時及七八月之間歲十一月十二月之屬昭如日星而散見於語類者亦瞭如矣而蔡傳於伊訓之元祀十有二月太甲之三祀十有二月及泰誓十有三年春武成惟一月之屬皆力著不改時不改月之辯不啻右胡左朱者然蓋以杖履違而指授有未備焉故也故異義雖師弟不免也然則朱子義無所見而今參之者又何耶是亦不啻遵朱也伏念先聖贊修刪定之次上自丘索墳典下及謨訓命誓數千年之書裁爲百篇不幸秦火後僅存古今文凡五十有八而其間札爛文脫者亦多有矣此質之先聖祖述堯舜憲章文武之隱當有不勝撫然者也蔡傳遵體遺經以力闡二帝三王之心法功匪淺鮮然詳釋經義其間失檢者顧不無千百之什一又不幸受師命後明年師即棄舍而

其未是正者又多矣。卽還質之先儒蔡氏恐亦未盡釋然。况其先師與先聖乎。錫不揣固陋反覆潛體計參訓義者凡十條。又參句義二條。節義篇義共六條。簡義三條。并凡義順而文未順者謹體朱子遺訓竊附私淑之義具參於篇是乃所謂遵朱也。極知未學僭踰之罪。然幸被國恩養育數十年仰見

聖神

明道翼經之至意。志補十三經朱子未備傳註。今周禮戴記

爾雅孝經春秋俱漸次成書。而尙書參義因繼之。他日更將儀禮內外編暨春秋事詞慎考公穀參義等書刊正以成全編庶稍伸下士沐浴場休之末悃。而因并發其意於簡端云。雍正甲寅春三月丹陽姜兆錫謹序

書經遵奉蔡傳。槩不敢妄竄原義。所有附叅各條。蓋一以經義中脉絡之離合。與其意趣之得失爲主。亦正以體

聖治翼經之意也。義詳本篇。今約錄于左。以便有道訓正。

經文錯互篇簡附叅者二條。

一舜典象以典刑。至惟刑之恤哉九句。當是命皋陶之詞。舊錯簡。語意無着。今附叅。

一多士篇王曰。又曰。中有闕文。考多方篇。今我曷敢多誥。我惟大降爾四國民命。二句。當在王曰之下。此與多方篇王曰。又曰。義例旣合。而與多方篇王曰。我不惟多誥。我惟祇告爾命。文義亦復相通。舊錯簡。今附叅。

傳注錯分段落附叅者五條

一大誥

寧王遺我大寶龜至越茲蠡爲一節殷小腆至今蠡爲一節

二節相承爲義舊錯將

今蠡二字割在下節之首文義未順今附叅

又大誥

天惟喪殷若稽夫子曷敢不終朕貳三句及其下天亦惟休于前寧人予曷其極上敢勿于從二句相對

爲義當合爲一節舊錯將予曷其極上敢勿于從句割在下節

之首文義亦失今附叅

一名誥

其惟王位在德元至越王顯爲一節上下勤恤至王亦顯爲一節

二節相承爲義舊錯

將王亦顯合下爲節文義全失今附叅

一梓材

自古王若茲監罔攸辟二句當合下惟日若稽出三段爲一節與下今王惟日一節古王今王相

承爲義文義分明舊將自古王若茲監罔攸辟三句割在上節

之尾文違義失而因疑今王惟曰以下爲錯簡今附叅

一無逸

嗚呼君子所其無逸二句當合下先知稼穡之艱難乃逸則知小人之依二句爲一節對下相小人厥父母勤

勞稼穡厥子乃不知稼穡之艱難乃逸乃諺旣誕否則侮厥父母曰昔之人無聞知爲一節二節亦相承爲

義舊以無逸以上先知以下割爲二節文義未順今附叅

傳注錯混句讀附叅者二條

一名誥

嗚呼曷其爲句奈何勿敬爲句

二句呼應相貫其音基先詰之而次責

之也舊二句未分蒙混不可解今附叅

一君奭篇

誕無我責收爲句罔勗不及爲句

責收猶言責成也二句文義自明

舊錯作誕無我責爲句收罔勗不及爲句義頗未順今附叅

傳注錯解文義附叅者十二條

一舜典陟方乃死家語孔子曰陟方岳死于蒼梧之野是也舊錯解陟方爲升遐文義旣失而與下乃死二字亦復今附叅

一益稷篇俞哉是然詞舊錯解作疑詞今附叅

一伊訓惟元祀十有二月本商正建丑之正月詩書從夏正例稱十二月與春秋國史例從周正者異也朱子論商周改時改月蓋詳舊錯解商周改年不改月今附叅

一太甲篇惟三祀十有二月同上

一仲應顯忠遂良節是敘其已然舊遂作勉其未然者非也今之詰

附叅

一泰誓十三年大會于孟津即武城惟一月于征伐商之甲其春一月乃寅月亦從夏正

也。金縢秋大熟未穫亦然。夫熟未穫則豈正秋九月。若商正大熟未穫當爲十月十一月矣。舊以此錯解商周改年不改月。今附叅。

一武成篇惟一月壬辰旁死魄乃月朔也。先言壬辰朔乃言越翼日癸巳。蓋尊朔也。舊錯解旁死魄爲初二日則失矣。今附叅。又武成篇列爵惟五節。承上大邑周節。當有闕文。如據文爲義。當是詁詞。舊解作史臣敘事之詞殊未安。今附叅。

一康誥要囚服念要平聲。乃要會之要。卽秋官鄉士遂士各職具其死刑之罪而要之是也。舊讀要去聲作訟獄要重之詞。頗欠考。今附叅。

一微子崇德象賢蓋謂後裔能崇先王之德而象其賢也故下
以統承先王接之舊錯解崇德二字爲興王崇前王之德而象
賢二字爲後裔象先王之賢句義殊未順今附叅

一洛誥

予惟命曰庶有事及
惟命曰汝受命篤弼

兩惟命曰句緊對下節乃汝其二

字爲義舊未發明今附叅

一周官六年五服一朝考周禮六服朝見之期惟侯服歲一見
而已餘五服自二歲一見至六歲一見爲差未至六年不能皆
朝故必至六年而後此五服皆無不朝矣一朝猶皆朝也舊錯
解疑與周禮不合今附叅

一呂刑惟齊非齊有倫有要味惟字兩句相貫舊錯解上句說

權下句說經今附叅

傳注定錯復錯附叅者一條

一康誥篇首惟三月哉生魄至洪大誥治十八字注從蘇氏定爲錯簡當在洛誥周公拜手稽首以圖告卜之上今以召誥篇推之三月十二日乙卯周公至洛達觀于新邑營因有拜手稽首以圖告卜而王拜受誨言之文其三月哉生魄乃十六日巳未周公初基作新邑民大和會見事于周因有洪大誥治之文則此十八字當在召誥十四日丁巳郊天十五日戊午祭社之後而其于洛誥當在王既受圖拜手稽首誨言之後亦明矣舊定錯復錯今附叅

書經卷之一

蔡沈原註姜兆錫參義

虞書

虞帝舜之氏因以為有天下之號也書凡五篇堯典雖紀

秋傳多引為夏書此云虞書或以為孔子所定也

堯典

堯唐帝名說文曰典從冊在丌上尊閣之也以簡冊載

故又訓為常也伏生今文孔安國古文皆有○此篇凡三段首段總叙帝堯之德業而次叙其治曆明時又次叙其登庸

禪位

曰若稽古帝堯曰放勳欽明文思安安允恭克讓光被四表格于

上下○曰粵越通古文作粵放上聲思去聲○曰若發語辭周書越

業如下文所稱說也放至勳功也堯之功大而無所不至也欽恭

敬也明通明也敬體而明用也文文章也意思思也文著見而思

深遠也安安無所勉強也德性之美皆出於自然而非勉強所謂

性之也允信克能也常人德非性有有強為恭而不實欲為讓而

虞典

卷一

上

寅清樓

蔡傳後大也古性
我內之民自古以
德和修之治平
厚堯而大之祖
也孔氏即此言三
後際百性百有
族性上古未有
性有臣則賜性
克以即賜賜性
尊賢親之自臣

卷民又力... 中... 欽... 江... 宜... 宜... 千... 云... 萬... 易... 孔... 郭... 孟... 言... 九... 聖... 歸...

不能者惟堯性之是以信恭而能讓也光顯被及表外格至上天
下地也其德盛故及遠也蓋放勳者總言堯之德業也欽明文思
安安本其德性而言允恭克讓指其行實而言至於被四表格上
下則放勳之極也孔子曰唯天爲大唯堯則之故書叙帝王之德
莫盛於堯而其贊堯之德莫備於此且又首以欽之一字爲言此
書中開卷第一義也讀者深味而有得焉則一經之全體不外是
矣其可
忽哉
萬邦黎民於變時雍於音烏○明明之也俊德猶言大德即上文
也平均章明也百姓畿內民庶也昭明謂皆克明其德猶大學所
謂新也萬邦通謂天下諸侯之國也黎黑也民首皆黑故云黎民
也於嘆美辭也變者變惡爲善也時是雍和也此言
堯推其德自身而家而國而天下所謂放勳者也
欽若昊天曆象日月星辰敬授人時吳下老反○乃者繼事之辭
也吳廣大之意也曆紀數之書象觀天之器日陽精一日而繞地
一周月陰精一月而與日一會星謂二十八宿爲經五星爲緯之
屬辰謂日月所會周天十二會之次人時凡民事早晚之節分命
也此堯總命義和定曆明時之辭蓋敬天勤民之大法也

且親者不令九族
 有相親故後
 儒化。真氏曰
 臣首欽行志本
 聖。的。後
 評。聖。的。後
 重。神。經。妙。後
 代。氏。存。記。後
 何。下。言。後
 十八。字。自。內。及
 外。自。德。及。後
 後。信。而。虛。實。相。生
 又。交。互。立。文。意。肺
 實。事。妙。不可
 名。言。詩。心。集
 真。易。成。性。存
 臺。字。刑。火。微。妙
 書。又。開。不。見
 中。王。恭。氏。皆。云
 義。和。即。下。仲。叔。四
 天。上。學。其。目。下。別
 善。言。馬。氏。郭。氏

養仲宅岫夷曰陽谷寅賓出口平秩東作日中星鳥以殷仲春厥

民析鳥獸華尾以嶠音隅華音字○此以下四節言曆既成而分職

夷即禹貢嶠夷既畧者也陽谷取日出之義羲仲所居官次之名

蓋官在國都而分職測候之次羲仲則在於嶠夷東表日出之地

也寅敬也以春分之旦朝方出之日敬禮之如賓客然而因即其

初出之景而識之亦帝嘗曆日月而巡送之意也平均秩序作起

也以節氣之早晚均次其事宜以授有司而春月歲功方興故平

序其所當作起之事也日中者春分晝夜各五十刻於夏永冬短

為適中舉晝以見夜故稱日中也星鳥南方朱鳥七宿唐一行推

以鶉火為春分昏之中星也殷中也春分為陽之中也析分散也

先時民聚於隤至是則以民之散處而驗其氣之溫也申命羲叔

乳化曰華交接曰尾又以物之生育而驗其氣之和也

宅南交曰明都平秩南訛敬致日永星火以正仲夏厥民因鳥獸

希華申重也南交南方交趾之地也明都取日升於天中而其象

光明之義羲叔測候之次之名訛化也謂夏月時物長盛所

當變化之事也致即周禮冬夜致日之致蓋以夏至之日中伺日

而識其景如所謂日至之景尺有五寸謂之地中者也永長也夏

堯典

卷一

二

至上下二伯仲司天
下二仲二叔分
四時蓋六人
周之六卿微是
仁山金氏云尚書
大傳舜巡四岳
祀泰山霍山秦
義伯之樂華山
孔山秦和伯之樂
二伯當有其人
賢賢辟輔伯
和死分置八伯
義仲義叔和
為義伯和仲和
叔仲為和伯其
說又異存以修政
至氏云少昊命
鳳鳥氏司歷其
位在五鳴九變已
上堯命及夏
孔祥漢及夏
和合言一玉同太

至畫六十刻日長於夜也星大東方蒼龍七宿之心星謂之大火
夏至昏之中星也正者夏至陽之極午為正陽之位也因析
而又析氣愈熱而民愈散處分命和仲宅西曰昧谷寅餞納日平
也希草鳥獸毛希而革易也
秩西成宵中星虛以殷仲秋厥民夷鳥獸毛毳
日入而暗昧之義和叔測候之次之名也餞猶餞送之餞以秋分
之暮送方納之日而識其景如餞送然也西成秋月物成之時所
當成就之事也宵夜也秋分晝夜亦各五十刻舉夜以見日故稱
宵中也星虛北方玄武七宿之虛星秋分昏之中星也殷者秋分
為陰之中也夷平也暑退而人氣平申命和叔宅朔方曰幽都平
也毛毳鳥獸毛落更生潤澤鮮好也申命和叔宅朔方曰幽都平
在朔易曰短星昴以正仲冬厥民隩鳥獸氄毛
者朔之言蘇也萬物至此死而復蘇猶月之晦而有朔也幽都取
日淪於地中而萬象幽暗之義和叔測候之次之名在察易改也
冬月歲事已畢除舊更新所當改易之事也日短晝四十刻日短
於夜也星昴西方白虎七宿之昴星冬至昏之中星也正者冬至
陰之極子為正陰之位也隩者室以內也氣寒而民聚於內也氄
毛鳥獸生與毳細毛以自溫也此上四節蓋既命羲和造曆明時

史掌前年以下太
天馮相氏掌事日
月星辰以中士
漸惟漢司馬遷
謂星歷之友近
卜祝念星無輕豈
知上取欽乃命
及之意對呂東
萊曰休歷前
欽是先天而天
弗違作歷以敬
授是先天而奉
天時程子曰修
者治平治之道
順時治歷治之
修聖法惟此而
詳。孔氏三日月
兩得會典四方
中星總星二十八
宿皆目所見為
星瑞日月所會

而又分方與時使各驗其實以審之聖人之敬天勤民其謹如是
是以術不違天而政不失時也又按堯時冬至日在虛昏中昴今
冬至日在斗昏中壁中星不同者蓋天有三百六十五度四分度
之一歲有三百六十五日四分日之一天度四分之一而有餘歲
日四分之一而不足故天度常平運而舒日道常內轉而縮天漸
差而西歲漸差而東此害一行所謂歲差者是也古曆簡易未立
差法但隨時占候修改以與天合至東晉虞喜始立差以追其變
約以五十年退一度何承天以為太速乃倍至百年而又反遲至
隋劉焯取二家中數七十五帝曰咨汝羲暨和替三百有六旬有
六日以閏月定四時成歲允釐百工庶績咸熙有又通。咨差也
及也替猶周也允信釐治工官庶眾績功咸背熙廣也天體至圓
周圖三百六十五度四分度之一繞地左旋常一日一周而過一
度日麗天而少遲故日行一日亦繞地一周而在天為不及一度
積三百六十五日九百四十分日之二百三十五而與天會是一
歲日行之數也月麗天而尤遲一日常不及天十三度十九分度
之七積二十九日九百四十分日之四百九十九而與日會十二
會得全日三百四十八餘分之積又五千九百八十八如日法九
百四十為一日凡得六日不盡三百四十八通計得日三百五十一

曆辰其實一也
至者其時皆
中可種穀至
夏者火皆中
以種黍至秋
至者中可種
麥至冬者昂
昏中可收歟
天有南面而視
四方星之中知
農之緩急授
人以時必于南方
考中星者仲夏
大在東馬在南
昂在西至在北
仲夏則馬特西
大特南馬特
昂特北仲
秋則大特西至
特南昂特東

四九百四十分日之三百四十八是一歲月行之數也歲有十二
月月有三十日三百六十者一歲之常數也故日與天會而多五
日九百四十分日之二百三十五者為氣盈月與日會而少五日
九百四十分日之五百九十二者為朔虛合氣盈朔虛而閏生焉
故一歲閏率則十日九百四十分日之八百二十七三歲一閏則
三十二日九百四十分日之六百單一五歲再閏則五十四日九
百四十分日之三百七十五十有九歲七閏則氣朔分齊是為一
章也故三年而不置閏則春之一月入於夏而時漸不定矣子之
一月入於丑而歲漸不成矣積至於三失閏則時全不定十二失
閏則歲全不成矣名實乖戾寒暑反易農桑庶務皆失其時故必
以此餘日置閏月於其間然後四時不差而
歲功得成以此信治百官而衆功皆廣也
○帝曰疇咨若時登
庸放齊曰胤子朱啓明帝曰吁歸訟可乎
放上聲胤羊進反歸音
成皆為禪舜發端也疇誰咨訪若順庸用也堯言誰為我訪問能
順時為治之人而登用之也放齊臣名胤嗣也朱堯之嗣子名朱
也啓開也放齊答言其性開明可登用也吁嘆辭器者口不道忠
信之言訟爭辯也朱益以其開明之才用於不善禹所謂傲虐是
也堯言其不可登用者如此此見堯之至公
帝曰疇咨若予采驩
至明深知其子之惡而不以一人病天下也

鳥得北中冬州
鳥得西日卯時
鳥得志大轉北
東妻鳥反得
猶環無彈此光
西考中星以正
時異半月令考
中星月令言昏
典言分至之中
子午月令以月
者主光典以特
者主也。文共
段前段有括中
批四段後代批
注自此開祖而
事法歸任調
涉音節以妙入
神。王伯厚三月
令兩言日月令
考妻秋。異

堯曰都其工方鳩僝功帝曰吁靜言庸違象恭滔天驩呼官反堯當侯反其音

恭僝仕限反○采事也都美辭也驩堯臣名其工官各益世官之族也方且鳩聚僝見也言其工方且鳩聚而見其功也靜言庸

違者靜則能言用則違背也象恭貌恭而心不然也滔天二帝曰

字文有說誤未詳上章言順時此言順事職任大小可見

咨四岳湯湯洪水方割蕩蕩懷山襄陵浩浩滔天下民其咨有能

俾乂帝曰於鯀哉帝曰吁咈哉方命圯族岳曰異哉試可乃已帝

曰往欽哉九載績用弗成湯音傷於音鳥弗符勿反圯部鄙反異

之事也湯湯水盛貌洪大也孟子曰水逆行謂之洚水洚水者洪

水也水涌出而未洩故汎濫而逆流也割害也蕩蕩廣貌懷包其

外也襄駕其上也大皐曰陵浩浩大貌滔之言漫勢若漫天也俾

使乂治也堯言有能任此責者使之治水也兪衆離四岳與其所

領諸侯之在朝者同辭而對也於數美辭鯀崇伯名數美而薦之

也咈者甚不然之辭方逆也王氏曰國則行方則止方命猶今言

廢閣詔令也圯敗族類也鯀為人悍戾自用不從上令且與衆不

和傷人害物楚辭言其婞直是也岳曰者四岳之獨言也異哉試

夏書曰日中當
中二字已別去
秋。和月峰云
地理天文之事
時令民物錯
擇有法禹貢
月令天官書
許補注今但
四節誤。其
奇絕。子重稱
虞夏。書渾
渾爾讀中四節
不但鍊法精
妙即文字亦
饒二客已遠
奇險。詳他可
仁云渾渾。渾
伏生所傳欽
引下直接俱
似五曲云。本
一而後人遂十

卷一

可乃已言廷臣未有能於縣者姑試用之取其可以治水而已不
必求備也堯遣之往治戒以欽哉者蓋任大事不可以不敬聖人
之戒辭約而意盡也載年也帝曰咨四岳朕在位七十載汝能庸
九載三考功用不成故黜之
命與朕位岳曰否德忝帝位曰明明揚側陋師錫帝曰有鰥在下
曰虞舜帝曰俞予聞如何岳曰瞽瞍父頑母嚚象傲克諧以孝烝
烝乂不格姦帝曰我其試哉女于時觀厥刑于二女釐降二女于
嬀汭嬪于虞帝曰欽哉
堯言汝四岳能用我之命而可遜以此位乎蓋丹朱既不宜堯欲
舉以授人而命之四岳也否不通忝猶辱也上明謂明顯之下明
謂已在顯位者也揚舉也側陋微賤也惟德是舉尊顯者固顯之
微賤者亦揚之不拘貴賤也師眾錫與也四岳及其羣臣諸侯同
辭以對也無妻曰鰥虞氏舜名也俞應許之辭予聞者我亦嘗聞
是人也如何者復問其德之詳也無目曰瞽舜父號瞽瞍是瞽子
也頑者心不則德義之經也母後母也象異母弟名也傲驕慢也
烝和烝進也姦不幸遭此而能和以孝使之進進以善自治而不

今物又停欽外
 句結掉不住蓋
 篇首曰以稽古
 程句曰起之至
 變特雍結帝德
 乃命義和下詳
 帝治節目付提
 命貴先經天後
 轉地重在治惡
 至主特成歲一
 結略治下求
 限至九載句一
 結照在位下其
 位至汝陽帝位
 一結續實將與
 從而試之也至受
 終文祖方畢其
 恆三樂此下攝
 進行事

至於大為姦惡也女以女嫁之也時是刑法也二女堯二女娥皇
 女英也堯將試舜而以女嫁之莊子所謂二女事之以觀其內是
 也釐理降下也媽水名在今河中府河東縣出歷山入河爾雅水
 內曰汭蓋水流環合之內故字從水從內而舜居其地也嬪婦也
 史言堯治裝下嫁二女於焉水之內使為舜婦於虞氏之家也欽
 哉堯戒二女之辭即禮所謂往之女家必敬必戒者以天子之女
 嫁於匹夫而深戒之如此蓋萬化起于閨門夫婦正
 始之道所繫尤重故堯女女以觀厥刑而又戒之也

舜典

今文古文皆有今文合堯典為一篇而無篇首曰若稽

首二十八字而以慎徽五典為篇首世多用王范之註補之
 至齊蕭鸞建武四年姚方興於大統頭得孔傳古文舜典全
 文乃上於朝事未施行而方興以罪致戮至隋開皇初購求
 遺典得之始知古文孔傳尚書本有曰若稽古以下二十八
 字而伏生今文尚書祇以慎徽五典接帝曰欽哉之下而無
 此二十八字者彼以舜典合於堯典故也梅賾既失孔傳古
 文舜典故不知有此二十八字而上之自姚方興既得而二
 典復完或者乃謂古文舜典一篇盡皆亡失至是方得遂疑
 其偽蓋過論也。此篇凡四段首段通叙升閭時之德業而
 次叙其攝政以敷治次又叙其正位以命官末乃總叙其始

事皆光事玉
通文八音方里
光業帝曰欽斯
尚未活與位一
段九何結光與
一而且其又勢
義和五設慈
華序事只記
素不記言則
盾與時格下
變教華記言
若清越聲變
如聞又事滿
奔注玉格汝
舞一段方歌何
仙手暖雲與
句橫畫心四岳
孔注即上義和
左傳詩太岳
清之杜注太岳

也終

曰若稽古帝舜曰重華協于帝濬哲文明溫恭允塞玄德升聞乃
命以位音浚。華光華也。協合也。帝謂堯也。濬深哲。智溫粹。實也。玄幽升上也。言堯放勳之德既有光華而舜又有光
華以合之。語其德之目則濬深而哲智文理而光明猶堯之欽明
文思也。且又和粹而恭敬誠信而篤實。猶堯之允恭克讓也。凡此
幽潛之德上聞於堯命以職位。慎徽五典五典克從。納于百揆。百
揆時叙。賓于四門。四門穆穆。納于大麓。烈風雷雨弗迷。最美也。五典五常也。
父子有親。君臣有義。夫婦有別。長幼有序。朋友有信。是也。從順也。
左氏所謂無違教也。此蓋使為司徒之官也。百揆官名。揆度庶政。
猶周之冢宰也。時叙左氏所謂無廢事也。四門四方之門。古者以
賓禮親邦國諸侯各以方至而使主之也。穆穆和之至也。左氏所
謂無凶人也。此蓋又兼四岳之官也。麓山足也。烈風迅暴錯也。史記
堯使舜入山林川澤暴風雷雨舜行不迷。此亦堯親九族章百姓
協萬邦之意。而過非常之變不震懼以動其天。非固聰明誠知確
乎不亂者不能也。易震驚百里不喪匕鬯意為近之蓋下文受終

神農之書云四

岳也王喬云中

呂考許皆四岳

其先讓許由名

其一也汝陰

命一段是讓許

田之實。上古五

又自此篇知

篇章句古

皆偏奇正平附

靡不有矣

按伏生所傳帝

合一典方見兩朝

此二揖讓黑子

拒許欽我直

慎微慎即欽微

五典納百揆正

試之實我其

試武紀言也女

于時

攝政之意亦○帝曰格汝舜詢事考言乃言底可績三載汝陟帝

位舜讓于德弗嗣格來詢謀乃汝底致陟升也堯言詢舜所行之

矣汝宜升帝位也而舜則讓事而考其言則見汝之言致可有功於今三年

於有德之人而非嗣之矣正月上日受終于文祖上日猶言元

上旬之日曾氏謂上戊上辛上丁之類也文祖堯始祖之在璿璣

廟也堯於是終帝位之事而告於始祖之廟而受之也

玉衡以齊七政謂之璿璣機也用璿璣機也周布天象而設衡於中

以運之也衡橫也用玉作管平則天象而設於機中以窺之也七

政日月五星也七者天象之大綱其運行於天有遲有速有順有

逆猶人君之有政事故名也齊之言平也正也此言舜初攝位整

理庶務首察璿璣所以正天象猶堯敬天授時之意也按天文志

言天體者三家一曰周髀二曰宣夜三曰渾天宣夜絕無師說不

知其狀如何周髀之術謂天如覆盆以斗極為中中高而四邊下

日月旁行遠之日近而見之為晝日遠而不見為夜蔡邕以為考

驗天象多所違失渾天之術謂天之狀似鳥卵地居其中天包地

外猶卵之裹黃圓如彈丸其稱渾天者言其形體渾渾然也蓋天

半覆地上半在地下天居地上見者一百八十二度半強地下之

卷一

卷一

六

如句紀事欽我
 司紀言也慎微
 八句紀事格汝
 辭紀言也慎微
 于德以下又紀
 事錯信簡錄
 左傳國語史記
 漢書紀載
 皆祖此今祖板
 監前作五指
 一段模倣形似
 是後人手筆
 逐句逐字立
 而不成也古人又
 字無邊齊無畔
 岸拍天駕海
 而末看伏生所
 信真本便見
 弗謂下五再令
 受終於有國又

不見者亦然北極出地上三十六度南極入地下亦如之而高高
 正當天之中極南五十五度又其南十二度為夏至之日道又其
 南二十四度為春秋分之日道又其南二十四度為冬至之日道
 南下去地才三十一度而已通計夏至日北去極六十七度春秋
 分去極九十一度冬至去極一百一十五度而南北極持其兩端
 天與日月星宿斜而迴轉其大率也然古法遭秦而滅至漢武帝
 時洛下閎始經營之鮮于妄人又量度之至宣帝時耿壽昌始鑄
 銅而為之象宋錢榮又鑄銅作渾天儀衡長八尺孔徑一寸瑱徑
 八尺圓周二丈五尺廣薄而望之以知日月星辰之所在即瑱機
 玉衡之遺法也歷代以來其法漸密本朝因之為儀三重其在外
 者曰六合儀平置黑單環上刻十二辰八卦四隅在地之位以準
 地面而定四方側立黑雙環背刻去極度數以中分天脊直跨地
 面使其半入地下而結於其于午以為天經斜倚赤單環背刻赤
 道度數以平分天腹橫繞天經亦使半出地上半入地下而結於
 其邪酉以為天緯三環表裏相結不動其天經之環則南北二極
 皆為員軸虛中而內向以挈三辰四遊之環凡上下四方於是同
 考故曰六合次其內曰三辰儀側立黑雙環亦刻去極度數外貫
 天經之軸內挈黃赤二道其赤道則為赤單環外倚天緯亦刻宿
 度而結於黑雙環之邪酉其黃道則為黃單環亦刻宿度而又斜
 倚於赤道之腹以交結於邪酉而半入其內以為春分後之日軌

金仁山口臨海寺
下告汝等二十
一古書在此。諸
機以象天而衡
三特機觀衡則
知星宿真西云
澤受仔細機衡
親天心此石同
三顏色惟此毫
少拂於親心此
鏡云克正象蓋
天法也舜機衡
渾天傳也渾天
西漢觀蓋天仰
而而言星及辰
西言七以不及辰
者經星觀天
不動十二辰無
通連順逆三殊
散異。詳符信
五瑞天子所領

半出其外以爲秋分後之日軌又爲白單環以承其交使不傾墊
下設機輪以水激之使其日夜隨天東西運轉以象天行凡日月
星辰於是可考故曰三辰其最在內者曰四遊儀亦爲黑雙環如
三辰儀之制以貫天經之軸其環之內則兩而當中各施直距外
指兩軸而當其要中之內面又爲小竅以受玉衡要中之小軸使
衡既得隨環東西運轉又可隨處南北低昂以待占候者之仰窺
蓋凡東西南北無不周徧故曰四遊也沈括云舊法規環一而刻
周天度一面加銀釘蓋以夜候天晦不可目察則以手切之也古
人以璣飾璣疑亦爲此今太史局秘肆類于上帝禮于六宗望于
書省銅儀制極精緻亦以銅釘爲之肆類于上帝禮于六宗望于
山川徧于羣神祀上帝註云昊天之上正祭謂之郊非正祀而祭告
于天其禮依郊祀爲之謂之類如泰誓武王伐商王制天子將出
皆類于上帝是也精意以享謂之禋宗尊也所尊祭者其祀有六
祭法曰埋少牢于泰昭祭時也祖述于坎壇祭寒暑也王宮祭日
也夜明祭月也幽宗祭星也雩宗祭水旱也山川名山大川之屬
望而祭之謂之望徧周也羣神謂天神地示人鬼及古昔聖賢
之類言受終之後首正天象即祭祀上下神示以攝位告也輯
五瑞既月乃日觀四岳羣牧班瑞于羣后執敘瑞信也公執桓圭
侯執信圭伯執躬圭子

以錫命如公桓
 至侯信王伯躬
 至子殺璧男滿
 璧故來朝執瑞
 以厚信歸則頒
 之義五至諸侯
 而進獻言贊
 則受之而已如謂
 五玉即五瑞也
 錫命之圭璧典
 三帛二生一死俱
 為執紼之七律
 生十二懸繼並
 聖云推恩成律
 故同律度量衡
 必先協時月日
 金仁山云十二律
 配十二月蓋日月
 各于十二次而右
 轉利也陰律

執紼望男執滿璧以合符于天子也周禮天子執琕以朝諸侯鄭
 註曰名玉以琕言以德覆冒天下也諸侯始受命錫以圭圭頭斜
 銳而天子瑁玉之下亦為斜刻其小大長短廣狹如之諸侯來朝
 天子以刻處冒其圭頭以驗之也既盡覲見也四岳四方之諸侯
 羣牧九州之牧伯也程子曰輯五瑞已上皆正月事也輯瑞以徵
 諸侯至盡此月則諸侯至矣而遠近不同來有先後故日日見之
 而不加他朝會之在一日蓋欲以少接之而得盡其詢察也班
 固同羣后即侯牧地既見之又須還其瑞凡以與天下正始也歲
 二月東巡守至于岱宗柴望秩于山川肆觀東后五玉三帛二生
 一死贊協時月正日同律度量衡修五禮如五器卒乃復五月南
 巡守至于南岳如岱禮八月西巡守至于西岳如初十有一月朔
 巡守至于北岳如西禮歸格于藝祖用特守去聲有又通五玉三帛二生一死贊舊脫在
 修五禮之下今考正當在肆觀東后之下孟子曰天子適諸侯
 曰巡守巡守者巡所守也歲二月謂巡守之年之二月也岱宗泰
 山也柴謂播柴以祀天也望秩以祀山川也秩者謂五岳視三公
 四瀆視諸侯餘視伯子男其牲幣祝號皆有等秩也東后東方之

以象斗柄運
子十二辰而左
旋制六律以陽
律以象故陽
律左旋以合陰
陰律右旋以合
陽而天地之聲
出焉王伯厚
云夏小正月令時
訓詳美而齊典
撰衡一言者以
充典義和以數
十言者之天官
書天文志詳矣
而律典撰衡一
言盡之序事以
書焉孫月
峰云巡行一段
嚴密無剩字
未嘗有主邪
邪錯落銓

諸侯也五玉謂公執桓圭侯執信圭伯執躬圭子執穀璧男執蒲
璧也三帛謂附庸執黃諸侯世子執纁公之孤執玄也二生謂卿
執羔大夫執鴈一死謂士執雉也凡此皆執之為贊以入覲天子
蓋言覲后而世子孤卿以下統其中矣時謂時之春夏秋冬月謂
月之大小日謂日之自甲至癸協而正之所以謹時令也律謂黃
鍾太簇姑洗蕤賓夷則無射之六律大呂夾鍾仲呂林鍾南呂應
鍾之六呂度謂分寸尺丈引之五度量謂倫合升斗斛之五量衡
謂銖兩斤鈞石之五權同之所以定法制也傳曰六律六呂凡十
二管皆徑三分有奇空圍九分而黃鍾之管長九寸大呂以下律
呂相間以次而短至應鍾而極以律制樂則長者聲下短者聲高
下者重濁而舒高者輕清而疾此聲樂之節也而以審度之長短
則九十分黃鍾之管一為一分而十分為寸十寸為尺十尺為丈
十丈為引以審量之多少則黃鍾之管容秬黍中者一千二百以
為倫而十倫為合十合為升十升為斗十斗為斛以平衡之輕重
則黃鍾之管所容千二百黍其重十二銖而二十四銖為兩十六
兩為斤三十斤為鈞四鈞為石此黃鍾所以為萬事根本也時月
積日而成其法先粗後精度量衡受法于律其法先本後末故言
日在時月之後言律在度量衡之先也五禮為吉凶軍賓嘉五者
之禮修之所以肅典禮也如劉侍講謂猶同也五器即謂五禮之
器如之所以飭器用也卒乃復者上文祀覲諸禮協正同修如諸

一

事皆畢。則轉而南行也。南岳謂衡山。西岳謂華山。北岳謂恒山。格
 之言至。至其廟而祭告也。藝祖蓋堯祖。禰之屬。程子曰。王制言歸
 格于祖禰。此但言藝祖舉尊耳。實皆告也。古者君將出。必告諸祖
 禰。歸又至其廟而告之。孝子不忍死其親。出告反。而之義也。特特
 牲也。鄭註曰。祖五載一巡守。羣后四朝。敷奏以言。明試以功。車服
 及庸。皆一牛也。
 以庸。朝音潮。五載之內。天子巡守者一。諸侯來朝者四。蓋巡守
 之明年。則東諸侯來朝。又明年。則南諸侯來朝。又明年。則西
 諸侯來朝。又明年。則北諸侯來朝。又明年。則天子復巡守焉。天子
 諸侯雖有尊卑。而禮無不答。是以上下交通。而遠近洽和也。敷陳
 奏進也。庸。周禮民功曰庸。是也。程子曰。朝時。使各以言敷陳其爲
 治之其。其言之善者。從而明考其功。有功則賜車服。以旌異之。而
 其言之不善。或言雖善而無功者。則告飭之也。林氏曰。天子巡
 守。則有協時月以下等事。諸侯來朝。則有敷奏以言以下等事。
 十有二州。封十有二山。藩川。荆。揚。豫。梁。雍。幽。并。營也。中。古。之。地。但
 爲九州。曰冀。兗。青。徐。荆。揚。豫。梁。雍。禹治水作貢。亦因其舊。及舜卽
 位。以冀。青。地。廣。始分冀。東。恒。山。之。地。爲并。州。其東北。醫。無。閭。之。地。
 爲幽。州。又分青之東北。遼。東。等處。爲營。州。也。封。表。也。每州封表一
 山。以爲鎮。如職方氏。揚州。其山鎮曰會稽之類也。潯。渠。也。環十二

州凡所有之川也。然舜既分十有二州至商時又但言九圍九有。周禮職方氏亦止列爲九州。有揚荆、豫青、雍幽、冀并而無徐梁。營、葢、聲爲十二州。不久復合爲九也。吳氏曰：此一節在禹治水之後不當在四罪之先。蓋史官泛記舜所行之大事，初不記先後之序。象以典刑，流宥五刑，鞭作官刑，扑作教刑，金作贖刑，書災肆赦。怙終賊刑，欽哉欽哉，惟刑之恤哉。宥音又，音省，味此節乃命戒之文，而以下文叙列四罪，脫簡于此也。象如天之垂象以示人也。典，常也。示人以常刑，卽謂墨劓剕宮大辟之五刑，所以待夫元惡大惡殺人傷人穿窬淫放凡罪之不可宥者也。流，遣之使遠去。如下文流放竄殛之類也。宥，寬也。以流宥其五刑，所以待夫罪之稍輕，雖入於典刑而情可矜，法可疑，與夫親貴勳勞而不可加以刑者也。鞭，木末垂革官府之刑也。扑，夏楚二物，學校之刑也。皆以待夫罪之輕者。金，黃金贖贖罪也。又以待夫罪之極輕，雖入於鞭扑而情猶有可議者。凡此五者，從重入輕，各有條理，法之正也。書謂過誤災謂不幸肆縱也。若人有如此而入于刑，則又不待流宥金贖而直赦之。怙，謂有恃終謂再犯賊殺也。若人有如此而入于刑，則雖當宥當贖亦不許其宥不聽其贖而必刑之。凡此二者，或由重而卽輕，或由輕而卽重，法之權也。聖人立法制刑之本末如

此雖其陽舒陰慘似若有不同者然欽哉欽哉惟刑之恤之意未始不行其間蓋其輕重毫釐各有攸當乃天討不易之定理而欽恤行乎其間則可以見聖人好生之本心也據此經文五刑有流宥而無金贖周禮秋官亦無金贖之文至呂刑乃有五刑之文則蓋穆王始制之也夫典刑而贖則失之輕疑赦而贖則失之重且使富者幸免貧者受刑又非所以爲平也流其工于幽州放驩兜于崇山竄三苗于三危殛鯀于羽山四罪而天下咸服流遣之遠去如水之流也放置之於此不得他適也竄則驅逐禁錮之極則拘囚困苦之隨其罪之輕重而異法也共工驩兜鯀並見堯典三苗國名介荊揚二州之間恃險爲亂幽州北裔之地崇山南裔之山三危西裔之地羽山東裔之山服者天下咸服其刑之當罪也程子曰舜之誅四苗也怒在四苗舜何與焉蓋因是人有可怒而怒之聖心本無怒也聖人以天下之怒爲怒故天下咸服○二十有八載帝乃殂落百姓如喪考妣三載四海遏密八音○二十有八載謂舜攝位之年也殂落死也死者魂氣歸于天故曰殂體魄歸于地故曰落也百姓謂畿內之民也如喪考妣三載服三年之喪也四海通謂天下之遠也遏密八音外雖無服而哀在心凡金石絲竹匏土革木之八音皆遏絕而密靜也儀禮所

命高獨持身
者見元在時
玉堂稱帝位

內之民爲天子齊衰三月。圻外之民無服。今應服三月者。如喪考
妣。應無服者。過密八音。蓋堯望德廣大。恩澤格厚。故中外之民。思
慕之深。至于如此也。堯年十六卽位。在位七十載。又月正元日。舜
試舜三載。老不聽政。三十八載。乃崩。通計百有一年。月正元日。舜
格于文祖。正平聲。月正正月也。元日朔日也。格猶歸格之格。漢
也。傳曰。春秋國君。皆以遭喪之明年正月卽位。以元而孔氏云。喪
畢之明年者。蓋天子居喪三年不言。前此雖卽位而未卽政。故又
告之也。或曰。舜避南詢于四岳。闢四門。明四目。達四聰。也。舜既告
河三年。今始卽位也。詢于四岳。闢四門。明四目。達四聰。也。舜既告
廟卽政。乃謀治于四岳之官。闢四方之門。以求咨十有二牧。曰。食
天下之賢。後廣四方之視聽。以決天下之壅蔽。咨十有二牧。謂十二
哉。惟時。柔遠能邇。惇德允元。而難任人。蠻夷率服。州之牧也。王政
以食爲首。農事以時爲先。言足食之道。惟在于不違農時也。柔者
寬而撫之。能者。優而習之。言勢有遠與近。而養之有詳與畧也。惇
厚允信也。難猶拒也。德通謂有德之人。元謂仁厚之人。任人謂包
藏凶惡之人。言當厚有德信仁人。而拒姦惡也。凡此五者。處之得
宜。則不特中國順治。雖蠻貊亦相率而服從矣。舜曰。咨四岳。有能奮庸。熙帝之載。使宅

堯而曰奮庸者不奮則遲難極法持此意不可忘也。舜豈不知禹必詢于衆者付之公論而我無與從先因知舜必諮四岳而師錫。堯氏云攝位以後見居道之勢即位以後見君道之速乾云大始坤作成物君道之道猶乾坤

百揆亮采惠疇。僉曰伯禹作司空。帝曰俞。谷禹汝平水土。惟時懋哉。禹拜稽首。讓于稷契暨皋陶。帝曰俞。汝往哉。

奮起熙廣職事也。

亮明惠順。疇類也。舜言有能奮起事功以廣帝堯之事者。使居百揆之位。以明亮庶事。而順成庶類也。僉衆也。謂四岳與所領諸侯也。懋勉也。衆言伯禹見作司空。可宅百揆。帝然其舉。乃咨禹以司空。治平水土。而兼勉行百揆之事也。司空兼百揆。如周以六卿兼三公。及後世以他官平章事。知政事之類。稽首首至地也。稷田正之官也。名棄姓姬氏。封于郃。契臣名。姓子氏。封于商。暨及也。皋陶亦臣名。命者。亦然其舉也。汝往哉者。雖然其舉而不聽其讓也。按此章先稱舜此下方稱舜爲帝。以見堯老舜攝。帝曰棄黎民阻飢。堯在時舜未嘗卽位。此後卽帝位而稱帝也。帝曰棄黎民阻飢。汝后稷播時百穀。種也。此因禹之讓稷而申命之。使仍舊職以終其事。帝曰契百姓不親五品不遜。汝作司徒敬敷五教在寬。親睦也。五品父子君臣夫婦長幼朋友五者之等類也。遜順也。司徒掌教之官。敷布也。五教教以父子有親君臣有義夫婦有別長幼有

教之官敷布也。五教教以父子有親君臣有義夫婦有別長幼有

厚朋友有信之理也。敬敬其事也。寬裕其象也。蓋五者之理出于人心之本然。自其拘于氣質之偏。溺于物欲之蔽。始有昧于其理。而不相親愛。不相遜順者。于是帝因禹之讓契。申命仍為司徒。敬以敷教。而又寬裕以待之。使之優柔浸漬。以漸而入。庶天性之真。自然呈露。不能自己。而帝曰。皐陶蠻夷猾夏。寇賊姦宄。汝作士。五無苟免。無恥之患也。

刑有服。五服三就。五流有宅。五宅三居。惟明克允。

允音訕。猾亂也。夏明而大也。

曾氏曰。中國文明之地。故稱華夏。蓋亦取此義也。到。人曰。寇殺人曰賊。在外曰姦。在內曰宄。士。理官也。服。服其罪也。呂刑所謂上服下服是也。三就。謂大辟棄于市。宮刑下蠶室。餘刑就屏處也。五流。通謂五等象刑之當宥者。三居。孔氏謂大罪居四裔。次居九州之外。次居千里之外也。刑雖有五。而服之。但為三等之就。流雖有五。而宅之。但為三等之居。如列爵惟五。分土惟三也。此亦因禹之讓而申命之。又戒以必當致其明察。乃能使刑當其罪。而人無不服也。味前文象以典刑。節正當在此。節之下。蓋因流宥五刑。而推及官府學校之刑之屬。義方。帝曰。疇若予工。僉曰。垂哉。帝曰。兪咨。垂。完足。而誤錯簡于彼耳。

汝其工。垂拜稽首。讓于咎旰。暨伯與。帝曰。兪。往哉。汝諧。

咎音殊。旰。千羊反。與。

平聲。若順也。工謂百工。如曲禮土工金工石工木工獸工草工。及周禮攻木攻金攻皮之工。設色之工。搏埴之工。之屬是也。垂臣名有巧思。其工治百工之官。帝問誰能順治予百工者。眾以垂對。而帝命為之也。及斯伯與三臣名。及斯本二器。受如矛而無刃。方釜斧謂之斯。古者多以其所名為號。故名也。諧和也。帝曰。疇若予。猶順也。垂以授斯伯與議。而帝命垂往和其職也。帝曰。疇若予。

上下草木鳥獸。僉曰。益哉。帝曰。俞。咨。益。汝作朕虞。益拜稽首。讓于

朱虎熊羆。帝曰。俞。往哉。汝諧。上下謂山林澤藪也。虞掌山林澤之官。周禮夏官山虞澤虞。川衡林衡之屬。

朱虎熊羆。四巨史記。朱虎熊羆。為伯益之佐。帝曰。咨。四岳。有能典

朕三禮。僉曰。伯夷。帝曰。俞。咨。伯。汝作秩宗。夙夜惟寅。直哉。惟清。伯

拜稽首。讓于夔龍。帝曰。俞。往。欽哉。典主也。三禮。祀天神享人鬼祭地示之禮也。伯夷。臣名。姜姓。秩

厚也。宗。宗廟也。秩。宗主。序次百神。而以宗廟為主。故名。周禮大小宗伯。及內外宗。都家宗人之官。皆此意也。夙。早也。寅。敬也。直者。曲

之反。人能敬以直內。不使少有私曲。則其心潔清。而無物欲之汚。

可以交于神明矣。夔龍。二臣名。工。案皆言諧。而司徒秩宗言敬言

欽者本末輕重之衡也。帝曰：夔命汝典樂，教胥子。直而溫，寬而栗，剛而無虐，簡而無傲。詩言：志歌永，言聲依永，律和聲。八音克諧，無相奪倫，神人以和。夔曰：於予擊石拊石，百獸率舞。之適子也。栗，莊敬也。凡人直者，不足于溫，故欲溫；寬者，不足于栗，故欲栗。所以慮其偏而輔翼之也。剛者，多至于虐，故欲無虐。簡者，多至于傲，故欲無傲。所以防其過而戒禁之也。教胥子者，如此而其所以教，則又專在于樂。周禮大司樂掌成均之法，以教國子。第而孔子亦曰：興于詩，成于樂。此蓋所以蕩滌邪穢，斟酌飽滿，動盪血脈，流通精神，養其中和之德，而救其氣質之偏者也。心之所之，謂之志。有是志，則必形于言，以達之。是詩以言其志，有是言，則必歌以咏嘆而淫佚之。是歌以永其言，歌有長短，則聲有高下。清濁，歌聲長而下濁者，為宮，以漸短而清高者，則為商，為角，為徵，為羽。是聲乃依乎永，而其聲則又必以十二律和之。如黃鍾為宮，則太簇為商，姑洗為角，林鍾為徵，南呂為羽。蓋以三分損益，隔八相生而得之。餘律皆然。卽禮運所謂五聲六律十二管還相為宮之義，是律以和乎聲也。五聲既和，乃以其聲被之八音，而為樂，則音克諧協而不相侵亂，其倫次可以奏之朝廷，薦之郊廟，而神人以和矣。聖人作樂，以養性情，育

人林事神示和上下其體用功効廣大深切乃如此今皆不復見矣。夔曰以下逸文也。蘇氏曰舜方命九官濟濟相讓無緣夢于此。獨自言其功此益稷之帝曰龍朕聖讒說殄行震驚朕師命汝作

納言夙夜出納朕命惟允。聖疾力反。聖疾殄絕行事師衆也疾

所謂巧言亂德也。納言官名。命令政教必使審之既允而後出則讒慝不得行而矯爲無所託矣。敷奏復逆必使審之既允而後入則邪僻無自進而功緒有所稽矣。周之內史漢帝曰咨汝二十有

之尚書魏晉以來所謂中書門下者皆此職也。二人欽哉惟時亮天功。言內有百揆四岳外有州牧侯伯蓋百揆

者所以統庶官而四岳者所以統羣牧也。亮明工事也。既分命之又總告之使之各敬其職。乘時以明天事也。曾氏曰舜命九官新命者六人。命伯禹命伯夷咨四岳而命者也。命岳命益泛咨而命者也。命夔命龍因人之諫不咨而命者也。夫知道而後可宅百揆知禮而後可典三禮知道知禮非人人所能也。故必咨于四岳若予工若上下草木鳥獸則非此比矣。故泛咨之典樂納言雖不似宅百揆典三禮之大然其事亦非百工庶物之可比。伯夷既以四岳之舉當秩宗之官則其所讓之人必其中于典樂納言之選可

却楚神云書虞
首治聖神際
會君臣同心故
合三帝居一典
易首乾坤象
陶漢亦色筆
月為一漢如
之效乾坤非
後世史一帝一紀
一月一傳之例也
至孔書創製
使揖讓之世
革命之代
史制作之
孫月呼云
半數中有
後半數中有
數

知故不咨而命之也。若稷契皋陶之不咨者，則申命其舊職而已。又按此以平水土若百工各為一官，而周制同類于同。此以士一官兼兵刑，而周禮分為夏秋兩官。蓋帝三載考績，三考黜陟幽王之法，隨時制宜，所謂損益可知者如此。明庶績咸熙，分北三苗。北如字，又音佩。考核也。九載三考，則人

賞必罰，而人人力于事功，庶績無不熙明也。北猶背也。其善者爵之，不善者徙之，皆分背而去也。此舜命二十二人之後，立此考績黜陟之法，以時舉行，因言其事治而人服如此也。按三苗見于經者，如典謨益稷禹貢呂刑詳矣。緣其負固不服，臣乍叛，故舜攝位之時，首蠲逐之。至舜命禹治水，三危已宅，而舊都猶頑，不即工。禹既攝位，舜命禹徂征，亦猶逆命及禹班師而後來格于提，乃得考其善惡而分背之也。呂刑之。舜生三十徵庸，三十在位五十言過也。則通其本末而言之耳。○舜生三十徵庸三十在位五十載防方乃死。微召庸用也。防方謂巡守方岳家語孔子云防方岳子引竹史紀年謂帝王之沒皆曰陟陟昇也。謂昇天也。書紀舜之沒云陟其下言方乃死，所以釋陟為死也。傳又謂防方猶言升遐方猶云徂平方之方。防方乃死猶言徂落而死也。二說大同小異蓋皆未之考與舜生在下三十年堯召用歷試三年居攝二十八

伏生所信五篇
其一漢曰皋陶
謨而禹稷契并
三今分列各篇
既謨為禹篇曰
益稷而更撰大
禹謨與止曰克
貢止曰禹獨加
大字何義

年凡約三十年即帝位又五十年而崩此蓋於篇末總叙其始終也

大禹謨

謨謀也林氏曰虞史既述二典又叙其君臣之間嘉言善政以為大禹皋陶益稷三篇所以備二典之未備也今文無古文有此篇凡三段首段叙其

陳謨責難而次叙其異位次又叙其征苗也

曰若稽古大禹曰文命敷于四海祗承于帝

命教祗敬也帝謂舜也文命敷于四海即

禹貢聲教訖于四海是也史臣言禹既布其文教于四海矣于是陳謨以敬承于舜如下文所云也文命史記以為禹名蘇氏曰以文命為禹名則敷于

四海者為何事耶

曰后克艱厥后臣克艱厥臣政乃乂黎民敏

德曰以下即禹祗承于帝之言也艱難也孔子曰為君難為臣不易即此意也乃者難辭也敏速也禹言君而不敢易其為君之道臣而不敢易其為臣之職夙夜祗懼各務盡其所當為者則其

政事乃能修治而無邪慝下民自然觀感速化于善而有不吝自

已者帝曰兪允若茲嘉言罔攸伏野無遺賢萬邦咸寧稽于衆舍

已從人不虐無告不廢困窮惟帝時克

嘉善攸所也稽考也惟帝之帝謂堯也舜然禹之言

以爲信能如此則必有以廣延衆論悉致羣賢而天下咸被其澤無不得其所矣然非忘私順理好德愛民之至無以及此而惟堯能之非常人所及也蓋爲謙辭以對而不益曰都帝德廣運乃聖

乃神乃武乃文皇天眷命奄有四海爲天下君此承上惟帝時克之言稱堯而以勉

舜也廣者大而無外運者行而不息此總言德之體段也語其大而化之謂之聖語其聖而不可知謂之神語其威嚴震物謂之武

語其英華發外謂之文此詳言德之條目也眷顧奄盡也受天命而爲君謂堯自唐侯特起爲帝也或曰舜之言帝者謂堯而羣臣

之言帝者謂舜如帝德罔愆帝念哉之類皆謂舜爲帝此蓋益因舜之尊堯而遂美其德言不特堯如此而帝亦然也今按其比類

雖明但上文舜言惟帝時克益未應遽舍堯譽舜極稱其美而畧無勸勉之意且與下益進吁戒之詞亦不相類矣依舊說贊堯爲

是禹曰惠迪吉從逆凶惟惠順也禹言天道可畏吉凶之應

于善惡猶影響之出于形聲以見不益曰吁戒哉戒無虞罔失

可不銀者以此而終上文之意也法度罔遊于逸罔淫于樂任賢勿貳去邪勿疑疑謀勿成百志惟

熙罔違道以干百姓之譽罔拂百姓以從己之欲無怠無荒四夷

來王樂音洛拂符勿反虞憂也罔卽勿也皆所謂蔽戒也失墜

易肆故戒其遊縱榮樂易恣故戒其淫過也任賢恐有所聞故戒

以勿貳夫邪恐不能斷故戒以勿疑疑猶妄也熙光也苟纖妄之

或作卽百慮之不光故戒以勿成也拂猶違也戒違道以干譽卽

實而無偽戒拂人以從己乃仁而不暴王周禮益隆四夷莫不歸往

八者朝夕戒懼無怠于心無荒于事則治道益隆四夷莫不歸往

而中土可知矣按益言八者亦有次第人君惟能循法度遇逸樂

則心正身修義理昭著而于羣才之賢否衆論之是非皆有以審

其幾微絕其蔽惑方寸之間光輝明白故推之朝野上下之間而

有以卽平天理之正合乎民心之公而毫髮私意不入于其間此

其懲戒之深旨所以推廣大禹克艱惠施之謨也苟無其本而是

非取舍決于一己之私乃欲斷而行之無所疑禹曰於帝念哉德

惑則其爲害反有不可勝言者矣可不戒哉

惟善政政在養民水火金木土穀惟修正德利用厚生惟和九功

惟敘九敘惟歌戒之用休董之用威勸之以九歌俾勿壞於音鳥

哉者禹承益儆戒之言歎而美之。欲帝深念其所言也。因言德非徒善而已。惟當有以善其政。政非徒法而已。在乎有以養其民。益養民乃無怠荒之實。而下文六府三事。則養民之目也。惟修者或相制以洩其過。或相助以補其不足。而六者無不治也。惟和者敦典敷教。以正其德。通功易事。以利其用。制節謹度。以厚其生。而三者無不和也。九功合六與三也。叙者順其理也。歌者永其言也。言九者修和順理。民莫不歌詠而樂之也。戒諭董正也。又恐其始勤終怠。而成功難保。故勤者則戒諭而休美之。怠者則董正而督責之也。九歌之歎。謂聲歌也。仍恐其出於勉強。而難久。故卽其歌協之律呂。播之聲音。用之鄉人邦國。以勸相之。使其鼓舞不能自己。而功庶以久存而不壞也。周禮所謂九德之歌九韶之舞。而太史公所謂沐浴膏澤而歌詠勤苦者。意亦如此。葛氏曰。洪範五行水火木金土而已。穀本在木行之數。帝曰。俞。地平天成。六府三事允

治萬世永賴。時乃功。

水土治曰平。品物遂曰成。六府卽水火金木土穀也。六者財用所自出。故曰府。三事卽正

德利用厚生也。三者人事所當爲。故曰事。時是乃汝也。舜因禹言養民之政而推其功以美之。蓋雖不言克艱。而其克艱以致之者亦隱然見。○帝曰。格汝禹。朕宅帝位三十有三載。耄期倦于勤。汝

于言外矣。

帝曰。格汝禹。朕宅帝位三十有三載。耄期倦于勤。汝

惟不怠總朕師

九十一日堯百年日期舜至是年已九十三矣總理也舜自言年已衰老倦于勤勞汝當勉力不怠而

總理我眾也堯命舜曰陟帝位舜命禹曰總朕師者堯使舜宅帝位舜讓弗嗣後惟居攝而總其師其事一也

禹曰朕德

罔克民不依臯陶邁種德德乃降黎民懷之帝念哉念茲在茲釋

茲在茲名言茲在茲允出茲在茲惟帝念功

克勝也邁勇往之意種布降下也茲指臯

陶而言允誠出發也禹自言其德不能勝任民不依歸惟臯陶助往以布其德德下于民而民懷服之帝當思念而不忘也遂言念而不忘固在臯陶舍而他求亦惟在臯陶名言于口因在臯陶誠發于心亦惟在臯陶蓋反覆思之而卒無外此者惟帝當深念其功而使之帝曰臯陶惟茲臣庶罔或干予正汝作士明于五刑以總師也

弼五教期于予治刑期于無刑民協于中時乃功懋哉

干犯玉政弼輔也懋

猶勉也舜言惟此臣庶無或有干犯我之政者以爾為士師能明五刑以輔五品之教而期我以至于治也故始雖不免用刑而實所以期至于無刑之地民乃皆協于中道而刑無所施焉此皆汝之功而宜加勉者也味帝此言惟勸勉其舊職而其不恥禹之讓

而命以總師
亦可知矣
臯陶曰帝德罔愆臨下以簡御衆以寬罰非及嗣賞

延于世宥過無大刑故無小罪疑惟輕功疑惟重與其殺不辜寧

失不經好生之德洽于民心茲用不犯于有司之謂上煩密則下

難容上急促則衆滋擾惟帝以簡以寬故罔過也延及也父子罪

不相及而賞則逮延于世善善長而惡惡短也過者不諶而誤犯

故怙終賊刑者也辜罪經常也罪已定矣而法之中有疑其可重

可輕者則罰從輕功已定矣而法之中有疑其可輕可重者則賞

從重至于法可以殺可以無殺者殺則恐陷于無罪不殺則恐失

于非經二者皆非聖人至公之意而殺不辜者尤聖人所不忍也

故與妄殺而民受其慘寧偶失而自受其愆凡此皆所謂好生之

德也蓋聖人之法有盡而心則無窮故常屈法以伸恩而不執法

以滅德此其本心無所壅遏流于法外及其益衍洋溢漸涵浸漬

入于民心則天下無不愛慕感悅興起于善而自不犯于有司矣

臯陶以舜美其功故言此以歸德于其上蓋亦所謂善則歸君之

意而其所見亦豈後帝曰俾予從欲以治四方風動惟乃之休者

大禹謨

三

二

欲民不犯法而不用刑也。汝能使我如所願，欲以治教化四達，如風鼓動，莫不靡然。是乃汝之美也。舜申言嘉歎如此，而總師之命終不及焉。此下文與位。帝曰：來禹，洛水微子成允成功，惟汝賢之命，所以復致于禹與。

克勤于邦，克儉于家，不自滿假。惟汝賢，汝惟不矜，天下莫與汝爭能。汝惟不伐，天下莫與汝爭功。予懋乃德，嘉乃丕績。天之曆數在

汝躬，汝終陟元后。

洛水，洪水也。古文作降。孟子曰：水逆行謂之洛水。蓋下流壅塞，逝者復反流，而洛洞無涯也。厥

戒也。災雖在竟時，而舜既攝位，害猶未息，故以為天警于己，不敢自寬也。允，信也。奏言而能踐其言，是為成允。試功而能有其功，是為成功。此其功既賢于人矣，又能勞于王事，以克勤節于私養，以克儉而初不自滿假，以矜伐功能。此又其賢之主也。然惟不矜其能，而能卒莫能沒不伐其功，而功卒莫能掩，故禹雖謙讓而舜復申命之，必使之攝位以總師也。懋之言盛，猶美也。丕，大也。嘉，善也。曆數者，帝王相繼之次第。猶歲時氣節之先後也。舜見禹有是德而美之，有是大功而善之，故知曆數當歸其身，終必升此大位，而今總師之命不可辭也。是時舜在位三十人心惟危，道心惟微，惟

簡要故有方

不復作典典有
禹貢不復作典
讓今孔信別為
禹謨人心惟危十
六字先儒謂為
心字一要找自是
三代以後語在漢
儒記錄中禹及
至宋理學諸書
則為在言以名種
聖面授何庸此
積言也古人即子
是道無道可位
堯命舜先執厥
中各美中本堂
象一加分疎便成
板指乃為惟危
惟微惟精惟一
等語孔子語也
唯曰一以貫之
禹觀面授受乃
是收之書款。

精惟一允執厥中

心者人之知覺主于中而應于外者也指其發

而言則謂之道心人心易私而難公故危道心難明而易昧故微

惟能精以察之而不雜乎形氣之私一以守之而克純乎義理之

正使道心常為之主而人心聽命焉則危者安微者著動靜云為

自無過不及之差而信能執其中矣堯之告舜但曰允執其中而

已今舜命禹又推其所以而詳言之蓋古之聖人將以天下與人

未嘗不以其治之之法并而傳之其見于經者如此後之人君其

可不深思而無稽之言勿聽弗詢之謀勿庸言之無據弗詢者不

敬守之哉容于衆而謀之自專是皆一人之私心非天下之公論故戒其勿

聽勿庸也上文既言存心出治之本此又告之以聽言處事之要

內外相資而可愛非君可畏非民衆非元后何戴后非衆罔與守

治道備矣邦欽哉慎乃有位敬修其可願四海困窮天祿永終惟口出好興

戎朕言不再可願猶孟子所謂可欲凡可願欲者皆善也言可愛

非君乎可畏非民乎衆非君則何所事戴君非民則

離與守邦人君當謹其所居之位敬修其可欲之事苟有一毫之

不善生于心害於政四海之民不得其所而至于困窮則君之天

道盡矣

虞書大禹謨

卷一

七

聖伯厚云漢書
張禹之言允執其
中蕭何謂此先
律身之文非三公
之事相固守
之於書矣而固
化實意惠之功曰
初于大慶惟清
緝其諫甚
平董賢一冊書
意氣幅方涉
有張氏詩
萬歲者微韓
陵村正則子君
之惠詳矣此固
所以文奸言而
警愚憚也倪正
父敗昆命元是
之制者以也夫

祿一絕而不復續矣豈不深可畏哉此又極言安危存亡之戒以
深警之雖抑其功德之盛必不至此然猶欲其戰戰兢兢無敢逸
豫而謹之于毫釐之間此所以為聖人之心也出好迎天下之善
也與戎召天下之亂也言發于口則有二者之分利害之幾可畏
如此吾之命汝已審矣豈復更有他
禹曰枚卜功臣惟吉之從帝
說哉蓋欲禹受命而不復辭遜也
禹曰枚卜功臣惟吉之從帝
曰禹官占惟先蔽志昆命于元龜朕志先定詢謀僉同鬼神其依
龜筮協從卜不習吉禹拜稽首固辭帝曰毋惟汝諧也枚卜歷卜之
人事已盡禹不容復辭但請歷卜有功之臣而從其吉冀自有以
當之者而已得遂其辭也官占掌占卜之官也蔽斷昆後也龜以
卜者以筮習重也帝言官占之法先斷其志之所向然後命之于
龜今我志先定眾謀皆同鬼神其依順而龜筮不啻協從矣占卜
之法不待重吉又何用更枚卜以決之乎固辭再辭也毋
者禁止之辭言惟汝可以諧此元后之位而不得辭也正月朔
旦受命于神宗率百官若帝之初人必告于其人之所從受者堯
之所從受天下者曰文祖舜之所從受天下者曰神宗禮曰有虞
氏祖顓頊而宗堯則神宗為堯明矣正月朔旦禹受攝位之命于

神宗之廟以總率百官凡其禮一如帝舜受終之初也。○帝曰咨禹惟時有苗弗率汝徂征

禹乃會羣后誓于師曰濟濟有衆咸聽朕命蠢茲有苗昏迷不恭

侮慢自賢反道敗德君子在野小人在位民棄不保天降之咎肆

予以爾衆士奉辭伐罪爾尙一乃心力其克有勳時是徂徂征正也舜虞言今天

下惟是有苗之君不循敎命汝禹往正其罪也會徵會誓戒誓也會誓自唐虞時已然禮言商作誓周作會非也濟濟和整衆盛之貌蠢蠢然無知之貌皆闇迷惑也禹誓言苗民昏迷不敬侮慢自

寡戾正道壞常德用舍失常天人交怒故我以爾衆士奉帝之辭

伐苗之罪爾庶幾同心同力乃能有功也林氏曰堯老而舜攝者

二十有八年舜老而禹攝者十有七年其居攝也代總萬機而堯

舜之爲天子自若也故國有大事猶稟命焉禹征有苗在居攝之

後而稟命于舜初不敢專則知舜誅四凶之屬亦必稟堯之命無

疑矣三旬苗民逆命益贊于禹曰惟德動天無違弗届滿招損謙受

益時乃天道帝初于歷山往于田日號泣于旻天于父母負罪引

咎神宗之廟以總率百官凡其禮一如帝舜受終之初也

惟見己之有
難而不見父之有
頑而不底諱及
乾有苗自省未

堂有過而惟見
苗民之作惡所
以遂命至雅師
以誕敷文德
其負罪引惡
之心而遂格焉
而損謙益據于
罰齊人心可自
滿外愚謂仲虺
之訓或王戒其
滿而自矜也亦
桓服楚魏志
荆州唐莊宗
取汴皆以自失

應祇載見警腹。夔夔齊保。警亦允若。至誠感神。矧茲有苗。禹拜昌
言曰。兪。班師振旅。帝乃誕敷文德。舞千羽于兩階。七旬有苗格。音
介誠音威。羽王遇反。○旬十日也。以師臨之。閱月苗頑猶不聽服。
也。贊者以言相佐助也。屈至也。益從禹出征。以苗負固恃強。未可
威服。故以言贊于禹。欲其以德動天而感通乎遠邇也。滿損謙益。
即易所謂天道虧盈而益謙者。此惟德動天之實。帝謂舜也。歷山
在河。中府河東縣。仁殷閔。下謂之旻。祇敬載事也。夔夔齊莊戰慄
之容。允信若順也。誠者以誠感也。言舜耕歷山而往于田。惟以不
獲順于父母。而日號呼于旻天。于其父母于時自負其罪。自引其
屈。以敬事其親。其見親也。謹畏小心。溢于容貌。雖腹頑愚。亦且信
順。即孟子所謂展謙也。是至誠之道。感格神明。即號泣受天之隱
為不隔矣。而況于苗民乎。凡此益贊禹之辭。益欲禹遣兵而與帝
修德也。昌言盛德之言。故拜而從之也。班。遣振整也。謂振師旅以
還互文也。誕大也。文。文命德德教也。千。千楨羽翳也。皆舞者所執也。
兩階。東西階也。格至也。班師七十日而有苗來至也。帝之文德。本
非俟班師而始敷。苗之來格。非徒因舞千而乃至。史臣以聖帝不
矜威武。益尚德教。虞階之上。恭己以臨。盡方之外。革心恐後。爰紀
其實。以形容化神之極。則數千載之下。猶可想其一時氣象也。

程子家人傳曰正
倫理以爲是善家
人之道也惇者爲
思義叙者正倫
理二者大齊寧
王道勵翼者以
東賢以爲勵
爲羽翼古屬
弱字通用漢書
輔翼太子左傳
翼戴天子翼字
祖此。郝氏理云
大學修齊治平
中庸三德五道
九經原本自漢

皋陶謨

今文古文皆有○此篇凡二段首段總以修
已治人之道陳謨而次言其在知人安民也

曰若稽古皋陶曰允迪厥德謨明弼諧禹曰兪如何皋陶曰都慎
厥身修思永惇敘九族庶明勵翼邇可遠在茲禹拜昌言曰兪稽
之下卽記皋陶之言者謂考古皋陶之言如此也皋陶言爲君而
信蹈其德則臣之所謀者無不明所弼者無不諧也兪如何者禹
然其言而復問其詳也都者皋陶美禹之問也慎者致其謹也身
修則無闕失之行思永則非淺近之謀惇敘九族則恩義篤而家
齊庶明勵翼則賢哲輔而國治邇而可推之遠蓋家齊國治而天
下亦平矣此蓋承問而推廣陳謨之義故禹復兪而然之也按典
謨皆稱稽古而所稽以記者則異典主記事故堯舜皆載其事謨
主記言故禹皋陶則載其謨后克艱厥后臣克艱厥臣禹之謨也
允迪厥德謨明弼諧皋陶之謨也然禹謨之上增文命敷于四
海祇承于帝者禹舜受天下非皋陶比此立言輕重之體也○
皋陶曰都在知人在安民禹曰吁咸若時惟帝其難之知人則哲
能官人安民則惠黎民懷之能哲而惠何憂乎驩兜何遷乎有苗

世如姪姪之姪
色藏禍心此王制
公之解而蔡傳
從之雖曲著其
名而共工獨表
其狀者雖曲
惡焉見共工
惡難知共工
則流經于放
強何也行法
其事之言亦
情之難其世狀
而多隱伏聖
人以此不
不見者深文
之至立言訓
雅文所未
其一二必
是謂滔天
孔壬也。三
忠云道而後

何畏乎巧言令色孔壬。○
孔大也。王任同。即舜典所謂任人也。言既在知人。又在安民。二者兼舉。雖帝堯亦難能之。蓋哲者智之明也。知人則可謂之哲。而人得其官。惠者仁之愛也。安民則可謂之惠。而民懷其德。能哲而惠。智仁兩盡。則雖比黨如驩兜者。不足憂。昏迷如有苗者。不足遷。與夫巧言善色。大包藏凶惡者。不足畏。蓋極言仁智之功用如此。其大而聖君知難之意。益溢于言表矣。楊氏曰。知人安民。此皋陶一篇之體要也。九德而下。知人之事。天叙而皋陶曰。都亦行有九德。下安民之道。非知人而安民者。未之有也。皋陶曰。都亦行有九德。亦言其人有德。乃言曰。載采采。禹曰。何。皋陶曰。寬而栗。柔而立。愿而恭。亂而敬。擾而毅。直而溫。簡而廉。剛而塞。彊而義。彰厥有常。吉哉。亦猶總也。載行采事也。亦行有九德者。總言德之見于行。凡有九也。亦言其人有德。乃言曰。載采采者。總言其人之有德。必言其所行之某事。某事為可信也。禹曰。何者。問九德之目也。亂猶治也。寬而栗者。寬弘而莊栗。柔而立者。柔順而植立。愿而恭者。謹愿而恭恪。亂而敬者。敏治而敬畏。擾而毅者。馴擾而果毅。直而溫者。徑直而溫。和簡而廉者。簡易而廉。剛而塞者。剛健而篤實。彊而

德可勉強性出
人三此不可學必
出于天資如蕭蕭
何一識韓信此豈
有佳可待其孔融
猶失之於馬謖而
終身不敢用魏
延相曰非也。陳
吳事云皋陶知
人之法立名九德
洪範說三德周
公說夏臣迪知沈
簡云云九德之行
蓋群聖通傳述
之蔡解作盛臣
月也程子以爲此
唐虞端治之宗
也大抵寬柔愿
操具陰是沉潛
者四者即固克

義者強勇而好義凡云而者轉語之辭明其德之不偏不倚成于
自然初非以彼濟此之謂也彰著也德著于身而始終有常其吉
士矣哉蓋曰宣三德夙夜浚明有家曰嚴祗敬六德亮采有邦翕

深美之也受敷施九德咸事俊乂在官百僚師師百工惟時撫于五辰庶績

其凝也宣明也三德六德者九德之中或有其三或有其六也浚治

皆言政事明治之義而德之所運則殊九德有其六而爲諸侯必日嚴而祗

日宣而克廣之則家事治明九德有其六而爲諸侯必日嚴而祗

敬之則邦事寅亮也翕合敷布也德之多寡雖不同人君能合而

受之布而施之則九德之人咸事其事大而干人之俊小而百人

之乂皆任官使此所以無遺才而上無廢事也師師相效法也

惟時不懈怠也百僚百工皆謂百官言其互相慕勸則曰僚言其

自爲勤敏則曰工其實一也撫順也五辰即四時也禮運播無教

五行于四時是也凝成也百官順時趨事而衆功皆成也無教

逸欲有邦兢兢業業一日二日萬幾無曠庶官天工人其代之禁
止辭教猶渠也兢兢戒謹也業業危懼也一日二日言日之至淺
萬幾言事之至多幾微也易曰惟幾也故能成天下之務蓋事變

至法亂其簡密
焉是陽是實
下即柔克之
上以此造士下
此自成陽教宜
勝於陽五而陰
四也。方正以云
言實以九德待
士而有三德者
亦為大夫有二
者。三為諸侯聖
人豈不非金
德之人而用
以為求太金
天下無金材不
以因德命其
為無失也是
求必能達其
程未必能知
學樂九年陶益

起于幾微而為常人所易忽及其發也雖智者不能善其後矣故
君子所其無逸必兢業以圖之所謂圖難於其易為大乎其細也
一日二日幾且至萬是可一息縱欲以為有邦導乎曠廢也工猶
事也非才用則庶官曠而庶職廢矣人君代天理物庶官輔之其
所治無非天事也使聽其曠而廢之又天叙有典勅我五典五惇
豈勅幾以倡庶邦之義乎故通戒之也天叙有典勅我五典五惇
哉天秩有禮自我五禮有庸故同寅協恭和衷哉天命有德五服
五章哉天討有罪五刑五用哉政事懋哉懋哉有庸馬本作五庸
叙者君臣父子兄
第夫夫婦朋友之倫序也秩者尊卑貴賤等級降殺之品秩也勅正
惇厚庸常也衷者降衷之衷即典禮也言典禮雖天所叙秩而使
倫之叙而益厚品之秩而有常則在我而已惟君臣同其寅畏協
其恭敬誠一無間而民彝物則各得其正乃所謂和衷也章顯也
五服五等之服自九章七章以至一章是也言德罪本天所命討
而天命有德則五服以彰顯之天討有罪則五刑以懲戒之爵賞
刑罰乃人君之政事君主之而臣用之又當懋勉而不可怠者也
楊氏曰典禮自天子出故言勅我自我若爵人于朝與眾共之刑
人于市與眾棄之則天子不天聰明自我民聰明天明畏自我民
得而私焉此其立言之異也

授子表望宜
出有未修其數
子為其名稱其
位而成名於後
世惟又精而不
性又備也。天子
以任人焉職故
受而施之其實
天子亦修九德
任用三德之也
若夫易知矣
之哉在有不
際如云動之微
若鮮作禍患
之矣何偏。此
以揚之威。威
用六極之威。都
變理云伏生所
得贊之衰武下
運帝曰來禹

明威達于上下敬哉有土

威古文通作畏明者顯其善畏者威其惡上謂天下謂民有土謂有民社也天

之聰明非有視聽也因民之視聽以為聰明天之明畏非有好惡也因民之好惡以為明畏天人一理通達無間民心所存即天理之所在而吾心之敬乃所以合天民而一之者也有天下者不知所以敬之哉

禹曰俞乃言底可績皋陶曰予未有知思曰贊贊襄哉

惠順底致也皋陶謂

我所言順于理可致之于行禹然其言以為致之于行信可有功也思曰之日當作日襄成也皋陶謂言而底績我未有所知惟思日贊助于帝以成其治而已蓋終不敢計功而自謙以勉之也

益稷

今文古文皆有但今文合于皋陶謨耳按帝曰來禹汝亦昌言正與上篇末文勢接續古者竹簡煩重故釐而

二之非有意也以下文禹稱益稷二人佐其成功因以名篇此篇凡三段首段叙君臣責難圖治之實而次叙致治之

極功終叙保治之至意也

帝曰來禹汝亦昌言禹拜曰都帝予何言予思曰孜孜皋陶曰吁

益稷

一篇孔書乃劉
帝曰下為益稷
謨臣矣。益稷
古稱先舜禹
三聖而皋陶
與焉舜神禹
獨推皋陶孟
子論見知二曰
皋陶又曰舜以
不仁禹皋陶
已憂子夏曰
皋陶現于
漢而知皋陶
之粹也

如何禹曰洪水滔天浩浩懷山襄陵下民昏墊予乘四載隨山刊

水暨益奏庶鮮食予決九川距四海濬畎澮距川暨稷播奏庶艱

食鮮食懋遷有無化居烝民乃粒萬邦作乂皋陶曰兪師汝昌言

墊都念反○思曰孜孜者承上思曰贊贊而言也上篇禹皋陶問

皆于帝舜之前故皋陶陳言訖帝呼禹使亦陳言而禹則謂皋陶

之謨美矣我更何言哉惟思曰孜孜以務事功而已蓋勉力而致

行之之意非徒謙詞以荅帝也如何者皋陶問其孜孜者何如也

墊弱也洪水泛溢而下民昏溺也四載水乘舟陸乘車泥乘輶山

乘輶也輶史記作輶漢書作輶以板為之狀如箕擿行泥上輶史

記作橋漢書作橋以鐵為之似錐長半寸施之履下四者皆跋履

險阻之具也隨循刊除也左傳井堦木刊是也泛濫瀰漫平地皆

水其可見者山耳故必循山伐木通蔽障開道路而後水工興也

奏進也鮮血食也此以上言跋履治水之始民未粒食而與益進

凡鳥獸魚鱉之肉于民使食以充飽也九川九州之川即萬夫之

川也不近九州之川者即為川以通于其川故曰萬夫有川距至

濬深也周禮一夫之間廣尺深尺曰畝千夫之間廣二尋深二仞

曰澮萬夫之間廣四尋深四仞曰川其間有遂有溝有洫皆通田

開之水道言畝澮川而不及遂溝洫者約舉以該之耳蓋先決九
川之水使各通於海次濬畝澮之水使各通于川也播之言布謂
布穀也艱難也此以上言水平播種之初民尙艱于粒食而兼用
鮮食也慤勉也居積也勉其民徙有於無而變化其積貨也烝衆
也粒米也此以上言水患悉平民既播種而山林川澤之貨又有
無相通以濟匱乏然後庶民盡皆粒食而萬邦興起治功也師法
也禹因孜孜之義述其治水之本末如此而上下交警之意實存
其間此臯陶所以欲法其昌言而禹亦申告帝以戒儆之詞如下
文所云也禹曰都帝慎乃在位帝曰俞禹曰安汝止惟幾惟康其弼直

惟動丕應禹志以昭受上帝天其申命用休

都者美臯陶師法昌言之意也又特稱帝

而告以慎乃在位者蓋天位惟艱一念不謹或貽四海之憂一日
不謹或致萬世之患故戒帝而帝然之也止者心之所止也弼輔
動作也人心之靈事事物莫不各有至善之所當止惟私欲或
搖其中始有昏昧而失其所止者安汝止者惟順適乎道心而不
陷溺于人欲也惟幾既以審其事之發惟康卽以省其事之安而
輔弼之臣又皆盡其忠直匡正內外交修無有不至將見是惟無
作作則天下丕應無不先意而後我矣以是昭受于天天豈不申
重佑命而用垂休美于無疆乎此禹推慎位之實而因極言其效

曰目都見君臣
忘執曰股肱
耳目見君臣
忘形曰股肱
職而忘君者
者禹百機無所
不統也于此知君
道不知相道矣
孫月時云排
股也錄裁也
此上只是嚴密
無剩詞。此下却
接以散文詳先
有態大抵一方
必一員寧可全
員不可全方

之大帝曰吁。臣哉鄰哉。鄰哉。臣哉。禹曰。俞。此帝因弼直之義而重
也。臣以人言。鄰以職言。帝言有是臣。即有是職。而盡是職。方盡是
臣。凡以見弼直之義。如此其重。故反覆致嘆。而禹又然之也。帝
曰。臣作朕股肱耳目。予欲左右有民。汝翼。予欲宣力四方。汝爲。予
欲觀古人之象。日月星辰。山龍華蟲。作會宗彝藻火粉米黼黻絺
繡。以五采彰施于五色。作服。汝明。予欲聞六律五聲八音。在治忽
以出納五言。汝聽。左右華出並去聲。此申言臣之所以爲鄰以
見弼直之木也。股肱耳目。故古者謂君爲元首也。左
之資翼爲明聽。猶元首之資股肱耳目。故古者謂君爲元首也。左
右有民。易所謂載成輔相。以左右民也。翼猶輔也。爲猶作也。宣布
也。汝翼。汝爲者。言欲左右有民。則資汝贊輔之。欲宣力四方。則資
汝作行之也。象像也。即日以下十二物之象。易曰。黃帝堯舜垂
衣裳而天下治。其制創自黃帝而成于堯舜。故曰。予欲觀古人之
象也。日月星辰。取其照臨也。山取其鎮也。龍取其變也。華蟲。謂雉
也。取其文也。六者皆繪于衣。故曰。作會也。宗彝。謂虎也。取其孝
也。藻。水草也。取其潔也。火取其明也。粉米。白米也。取其養也。黼之

詩可見人真性
去秋盟會賦詩
有不類任能
如之是也

言斧謂若斧形也取其斷也。轂之言弗謂若兩已相背也。取其辨也。六者皆繡于裳故曰締繡也是為十二章衣。六章自上而下裳六章自下而上皆以青黃赤白黑之五采而雜施于繒帛為五色故總曰作服也。周禮以日月星辰畫于旂而冕服惟九章且其次又登龍于山登火于宗彛蓋亦增損虞制為之與。六律謂陰陽各六也在察也。忽者治之反也聲音之道與政通故審音以知樂審樂以知政也。言與五聲相應故曰五言上達下謂之出下達上謂之納蓋治者出而納之忽者則否矣。汝明汝聽者言欲以章服定秩序則資汝辨明之欲以樂予達汝弼汝無而從退有後言欽四音察政治則資汝審聽之也。四鄰謂前後左右也言我有違戾于道兩當弼正之而無而諛鄰為是皆毀為非庶以敬爾四鄰之職也。此又申臣鄰之義而禹之所稱弼直者其義益顯矣。庶頑讒說若不在時侯以明之撻以記之書用識哉欲並生哉工以納言時而賜之格則承之庸之否則威之。議音此承上文因言待庶頑讒說之方亦正以明弼直之義也。時是也指弼直而言也。侯射侯也。周禮王大射則供虎侯熊侯豹侯諸侯則供熊侯豹侯鄉大夫則供麋侯皆設其鵠又梓人為侯廣與崇方三分其廣而鵠居一焉古制應亦不遠也。明者明其頑讒與否

也射以觀德。頑諂之人其心不正。必不能比于禮樂而中多也。撻
朴也。朴懲之使記而不忘。所謂朴作敘刑也。識猶誌也。書識其過
于冊以待其自新也。並生承上文而言。凡三者欲使庶頑諂說之
人棄惡從善而無或見絕于聖世也。工掌樂之官也。格猶改也。承
進也。既發其遷善之心而又命樂官以其所納之言時而颺之。改
則進之用之。否則刑以威之。蓋聖教之仁至而義盡如此。此即龍
之所典而命禹曰。俞哉。帝光天之下。至于海隅蒼生。萬邦黎獻。共
伯禹總之也。惟帝臣惟帝。時舉敷納以言。明庶以功。車服以庸。誰敢不讓。敢不
敬應。帝不時敷同日奏罔功。俞哉者通承帝言而深然之之詞也。蘇氏謂與春秋傳公曰諾哉意同。許
而猶有未盡許者。非隅角也。蒼生即民也。謂之蒼生者。蒼蒼然而
生。視遠之義也。獻賢也。謂黎民之賢者也。其同時是也。敷納下陳
而上納也。庶衆也。讓謂以忠直相讓也。禹歷閭帝所。稱任賢。警頑
之法而深然其有當于彌直之義。謂天下之人善者當舉而不能
者當教。今帝德光著天下。至于海隅之遠。蒼生之衆。皆帝光之所
被也。其間萬邦黎民之賢感慕興起。皆有帝臣之願。惟帝時舉而
用之。敷納以言而觀其蘊。明庶以功而考其成。車服以庸以厚其
報。誰敢不以忠直相推讓。敢不以忠直爲敬應。而乃自外于翼爲

諸帝而曰無以
丹朱自陳而曰
亦泣弗子何其
念之深詞之質
也時雖舜禹在
上而內有丹朱
之可戒外有苗
頑之可夏統
蓋聖之此聖所以
厚云云言戒我
者三此言念我
者一心者治之
本心一不存治之
本焉此惟子載
心秋月監一寒
水于此見

明聽以甘為庶頑護說者乎帝不如是則今任用之臣遠近敷同
率為誕慢日進于無功矣豈特庶頑護說為可慮哉此先言舉善
以勸不善以見任賢無若丹朱傲惟慢遊是好傲虐是作罔晝夜

即為警頑之實也
額額罔水行舟朋淫于家用殄厥世予創若時娶于塗山辛壬癸

甲啓呱呱而泣予弗子惟荒度土功弼成五服至于五千州十有

二師外薄四海咸建五長各廸有功苗頑弗即工帝其念哉帝曰

迪朕德時乃功惟叙皋陶方祗厥叙方施象刑惟明好去聲額郭

長上聲○丹國名漢志堯處于朱于丹淵為諸侯是也傲者敬之
反總慢遊傲虐而言罔猶無也無分晝與夜而額額然不休息雖

無水而不啻行舟者然猶孟子所謂流連荒亡也朋比淫亂也殄

絕也比小人以亂于家而不得世為天子也唐虞之世皆聖帝良

臣也聖人之不為慢遊傲虐雖愚者亦知之矣而禹之進戒至云
無若朱慢遊傲虐者蓋處崇高之位凜然康之義所以輔弼者當

如是也創懲也塗山國名在今壽春縣東北辛壬癸甲四日也啓
禹之子呱呱泣聲荒大也禹又自言懲丹朱傲慢之失故娶甫及

四日即往治水其後生子亦不暇顧念惟是大相度其治水土之功以是爲急此孟子所言禹八年于外三過其門而不入者乃其不敢傲慢以致弼直之始事也五服甸侯綏要荒也弼輔也薄迤也又言水土既平更疆理宇內因地域之遠近輔吾君以成五服之制每服五百里通五服其相距五千里其間之九州每州立十二侯以爲之師而糾牧之而九州以外迫于四海者亦每方各建五人以爲之長而統率之此又皆其不敢傲慢以致弼直之終事也迪蹈即就念慮也又言經理之制如此凡薄海內外皆蹈行德教厥有功效而惟三苗頑慢不率不肯就工帝當慮念以處之又正以見聖人警頑讒之道當與舉賢良並行而上文所以深然帝之言者此也叙次也祇祇承之也帝言四海之內所以能蹈行我之德教者是汝輔教之功旌別惟叙之故其頑而弗率者畢陶方敬承汝之功叙方施象刑惟明而自可以畏服乎中外也歷玩諸節都俞之文上下相承而舊乃謂帝意欲尙刑威禹意欲責文教而帝終謂苗頑不即工非象刑之有可廢也果爾是以都俞之詞與吁咈同義豈其然哉或又謂苗之凶頑征之猶且逆命豈象刑所能制者是未知聖人兵刑之叙與治苗之本末也帝此言在禹未攝位之前惟威以象刑而苗猶不服然後命禹征之至征之不服又以益之諫而增修德教及其來格然後分背之耳此○夢田條雖在三謨之末而實則禹未攝位以前之言當深讀也

一段典上下不相
厚而相厚蓋天
下敬應者臣時
數禹功攸叙皇
陶以刑言修民
治之功成而果
作美史臣記其
言於文誌諸無
之盛而謂成于
樂也蓋神人感
格下及鳥獸莫
不向化而況于
云所為漢明強
諧乎故以良
交微終焉

夏擊鳴球搏拊琴瑟以詠祖考來格虞賓在位羣后德讓下管鼗
鼓合止祝敔笙鏞以間鳥獸蹠蹠蕭韶九成鳳凰來儀音府祝音拊
竊敢音語間去聲蹠音鏘○臾考也鳴球玉磬名搏至拊循也詠
歌也樂之始作升歌于堂上惟取琴瑟之輕清者與人之歌聲相
比故曰以詠也格猶神之格思之格虞賓丹朱也丹朱賓于虞猶
微于賓于周也羣后助祭諸侯也上而祖考來格則神無不和下
而虞賓在位羣后德讓則人無不和矣下堂下也管猶周禮所謂
陰竹之管孤竹之管鼗鼓如鼓而小有柄持而搖之旁耳自擊以
導樂也祝如漆桶方二尺四寸深一尺八寸中有椎柄連底撞之
令左右擊以合樂也敔狀如伏虎背上有二十七鉏鋸刻以長尺
木莛樂之以止樂也笙以匏為之列管其中而施簧于管端是為
下管之長鏞大鐘也或謂笙鐘頌鐘也葉氏曰與笙相應者曰笙
鐘與歌相應者曰頌鐘大射禮阼階之東笙磬西面其南笙鐘西
階之西頌磬東面其南頌鐘是也間代也堂上堂下相繼迭奏鄉
飲酒禮歌鹿鳴笙南陔間歌魚麗笙由庚蓋其遺制與故曰以間
也蹠蹠行動貌鳥獸無知亦相率而舞蹠蹠然也蕭古文作箛舞
者所執季札觀周樂見舞韶箛是也或以蕭管釋之者誤九成猶
周禮所謂九變功以九叙故樂以九成也鳳凰靈鳥雄為鳳雌為

風來儀者來舞而有容儀也唐孔氏曰神人尊故言于堂上之樂
鳥獸微故言于堂下之樂九成致鳳尊其靈瑞故別言之非堂上
之樂獨格神人堂下之樂偏感鳥獸也或曰笙形如鳥翼鏘鏘爲
獸形風俗通亦云舜作簫笙以象鳳蓋因形聲之似以狀聲樂之
和豈真有鳥獸鳳凰而踰躍來儀者乎曰是未知聲樂感通之妙
也瓠巴鼓瑟而游魚出聽伯牙鼓琴而六馬仰秣凡徵召之見于
傳者多矣况舜之德致和于上變之樂召和于下其格神人舞獸
鳳豈足疑哉季札觀樂見舞韶箭者曰德至矣如天覆如地載雖
甚盛德蔑以加矣夫韶樂之奏幽而感神則祖考來格明而感人
則羣后德讓微而感物則鳳儀獸舞原其所以能感召如此者皆
由舜之德如天地之無不覆幬持載也其樂之傳歷千餘載孔子
聞之于齊尚且三月不知肉味曰不圖爲樂之至于斯則當時感
召從可知矣○按此章夔言作樂之效其文自爲一段不與上下
文相屬蓋舜在位五十餘年其與禹皋夔益相與問答多矣史官
取其尤彰明者以詔後世故集而記之非一日之言也夔曰於予
諳說自卑陶謨至篇末皆謂文勢相屬其說牽合難通擊石拊石
擊石拊石百獸率舞庶尹允諧○於音易○重擊曰擊輕擊曰拊石
音獨言石者石聲屬角最難諧和記曰磬以立辨樂以合爲主而
獨立辨明其難和也詩曰既和且平依我磬聲和平而必依磬明

都楚望云虞美
一典千餘言括
盡兩朝二百年
事皇陶一漢數
百言五臣類之
之漢包羅昭冬
非獨文字有簡
而由古人篤實
而行實辭嘗
謂虞書不容
更有第三篇以
其希貴也播
序虞書尚有
一篇則虞廷
文詞之多何異
秦漢耶。充典
萬貴其詞簡
與叙事樸直
不體卑內漢
積深淹雅自

石聲既和則金與絲竹匏土草木之聲無不和也上言鳥獸此言
百獸者考工記以脂者膏者贏者羽者鱗者為大獸五凡羽鱗總
謂之獸也百獸舞則物益無不和矣尹正也庶尹○帝庸作歌曰
衆官之長允信諧和也庶尹諧則人益無不和矣○帝庸作歌曰
敕天之命惟時惟幾乃歌曰股肱喜哉元首起哉百工熙哉皋陶
拜手稽首颺言曰念哉率作興事慎乃憲欽哉屢省乃成欽哉乃
廣載歌曰元首明哉股肱良哉庶事康哉又歌曰元首叢脞哉股
肱情哉萬事墮哉帝拜曰俞往欽哉幾平聲明叶音芒○庸猶用
舜言天命無常理亂相倚雖治功成禮樂備而頃刻疎則荒怠起
故無時之勿戒幾微忽則禍患生故無事之不戒此帝將作歌而
先述其歌之意也股肱臣也元首君也工猶功也人臣樂于趨事
則人君為之興起而百工皆廣矣此則歌之辭也拜手稽首者手
至首又至地也大言而疾曰屢率作謂率其臣明作也屢數也舉
陶言人君當率下起事而無怠廢故特言念哉以動之又當謹其
法而無紛更屢考其成而無欺蔽故兩言欽哉以勉之此皋陶將
廣歌而先述歌之意也廣續載成也續帝歌以成之也叢脞煩碎

上古凡味古言

月

夕

三

意新古人杜意
習者反傷體
有主舒教各見
拉為商異因具
自七蒼潤似工
離樓亂真識
者自辨。愚按
覆未嘗有前陳
段以天際重不致于全篇倍情神趣此上古真文異於後代偽撰者也

也情解怠也墮地壞也。畢陶言君明則臣良而衆事皆安所以勸
之也。又言君煩瑣則臣懈怠而萬事皆壞所以戒之也。此則廢歌
及又歌之辭也。舜作歌而責難于臣。畢陶廢歌而責難于君。君臣
相責如此有虞之治所以不可及也。帝拜者重之也。重其禮然其
言而命臣往敬其職。蓋亦因以為戒與。林氏曰舜與畢陶之廢歌三百篇之權輿也。

畢陶謨一篇皆高。畢陶與帝言孔之兮為益。後漢杜以豎蓋豎程二語於上
也。篇尾變中一段。豈非傑序而意義骨脉亦殊相貫乎。惜乎引起蕭索歌一
段。以天際重不致于全篇倍情神趣。此上古真文異於後代偽撰者也。